

10 تفسير سورة الأنبياء (1) من قول الله تعالى (اقترب للناس حسابهم) الآيات 1-6

شوقى عبدالصادق

الحمد لله والصلوة والسلام على سيدنا رسول الله وعلى الله وصحابه ومن والاه. بداية يا اخوانا الدال على الخير كفاعله كما صح ذلك عن النبي صلى الله عليه وسلم الناس اللي بتتنصرف محتاجة حد يذكرها - [00:00:01](#)

انا اعتقد مائة في المائة واقول اعتقاد ان من صرفوا لامر جلل ولا شيء من هزا انما هي الدنيا والشيطان الذي يصرف الناس لأن الشيطان عدو العلم عدو الدين عدو الزكر عدو كل حاجة حلوة فيعني - [00:00:29](#)

لا بأس ان تذكر من تحبه ومن لا تحبه ايضا طيب نسأل الله ان ينفعنا بما علمنا وان يعلمنا ما ينفعنا. كما على موعد مع سورة الانبياء نبذة بسيطة عن سورة الانبياء كده - [00:00:51](#)

قبل مطلعها يعني سورة الانبياء الاحصائية اللي فيها نزولها اولا في مكة بلا خلاف. اهل التفسير كلهم مجموعين على انها مكية اياتها مية وانتشر اية انا بعرفك بس حب العلماء - [00:01:13](#)

للقرآن يعدوا اياته ويعدوا حروفه كلماتها الف ومئة وثمانية وستين كلمة يا دوب الكلمة يعدوه بالحرف وال حاجات دي يقابل الحاجات الحاسبة دي ما تظهر اصلا عدد حروفها اربع تلاف وثمانية وسبعين حرف - [00:01:30](#)

عدها بالحرف من حبهم للقرآن وتمسكم به وحرصهم عليه سورة الانبياء سميت بسورة الانبياء لأن ورد فيها زكر كثير من الانبياء ورد فيها اسماء ستة عشر نبيا. ستاشر نبي في سورة الانبياء. صحيح ورد في سورة - [00:01:54](#)

عام اسماء ثمانى عشرة من الانبياء. بس الفرق بين آآ الاسماء هنا والاسماء هنا ان الاسماء في سورة الانبياء اسماء الانبياء يعني. جاءت لا. جاءت كل اسم معه طرفا من قصته - [00:02:17](#)

سورة الانبياء. اما في سورة الانعام جاءت الاسماء سردا. سردا سورة الانعام سردا. اما في سورة الانبياء كل اسم جاء معه طرفا من قصته سورة الانبياء اللي سمها كده بهذا الاسم السلف الصالح - [00:02:41](#)

السلف الصالح ابن مسعود يقول في سورة الاسراء والكهف ومريم وطه والانبياء خمسة هم سورة الاسراء بيسموها بنى اسرائيل صورة بنى اسرائيل سورة الاسراء والكهف ومريم وطه والانبياء يقول ابن مسعود وهو من الحفظة الكبار العظام الاولى - [00:03:01](#) انهن من العتاق الاول انهم من العتاق الاول يعني الصور اللي نزلت بدرى بدرى في مكة كلها وهن من تيلاد الصور دي من تيلاد يعني ايه؟ يعني من محفوظات القديمة - [00:03:28](#)

ابن مسعود بيقول ان الصور دي من يعني حفظتها بدرى يعني سمعتها من الرسول ايه؟ بدرى تيلادي التالد يعني القديم الثالث يعني القديم يبقى من الایه؟ السور اللي نزلت في مكة مبكرا. وحفرها ابن مسعود في الاول خالص - [00:03:48](#)

طبعا سميت بهذا الاسم عشان ورد فيها ذكر كسير اسماء كسير من الایه؟ من الانبياء اه وزي ما قلت لكم كلها باتفاق لاهل العلم على انها مكية سورة الایه؟ الانبياء مكية. طبعا لها علاقة بسورة طه - [00:04:08](#)

ارتبطها بسورة طه والختام هنا والبداية هنا واسبياء كسيرة ان شاء الله هنبقى ايه ما يعني ربنا يوفقنا اتكلم عنها ان شاء الله. سورة الانبياء قلنا اللي سمها الصحابة الكرام سيدنا عبدالله بن مسعود قال كده. هل الاسراء - [00:04:29](#)

او بنى اسرائيل والكهف ومريم وطه والانبياء من العتاق الاول وهن من تلاد يعني من السور التي نزلت مبكرا في مكة

ومن من تلاد اي تلاد عبدالله بن مسعود يعني من الاشياء القديمة من محفوظات القديمة - 00:04:47

الصور دي من محفوظاته القديمة. فالله اه هذه التسمية طبعا وردت على لسان ابن مسعود وغيره من الصحابة سورة الانبياء. ورد فيها ذكر الانبياء كل واحد منهم استاشر نبي طرف ورد ذكر او طرف من سيرته - 00:05:20

وثناء من الله عز وجل عليه انا وجدناه صابرا نعم العبد انه او اب سورة طه ختمت بقوله تبارك وتعالى قل كل متربص فتربيصوا فستعلمون من اصحاب الصراط السوي ومن اهتدى. ده تهديد - 00:05:42

تهديد للمشركين وال مجرمين في كل زمان ومكان تهديد للمنافقين الصف العفن المدوس في وسط الصف المسلم كل متربص كل تعود على مين؟ على كل الناس المؤمنون يتربصون بالكافرين والمنافقين ان نرى فيهم يوما - 00:06:10

دار فيهم اية من ايات الله عز وجل نرى فيهم انتقاما من الله ويومئذ يفرح الاله؟ المؤمنون بنصر الله نرى نصرا ونرى فرجا ونرى غما لاعداء الله واعداء رسوله. نفرح لهذا ونتربيص - 00:06:36

في انتزار هذا ليه احنا قلوبنا وحشة قوي كده؟ لا قلوبنا مش وحشة لبنة بيضاء نقية لكن كل من عادي ربنا كيف نحبه؟ وكيف ننتظر به الخير يا ايها الذين امنوا لا تتخذوا عدو - 00:07:01

وعدوكم اولياء وهم كذلك يتربصون بنا. المنافقون يتربصون بنا والكافرون كذلك والقرآن قال كده قل هل تربصون بنا؟ انت منتظرين ايه يعني؟ لا والله. الا احدي الحسنيين الا احنا الحسن ليل - 00:07:22

ونحن نتربيص بكم ان يصييكم الله بعذاب من عنده او بايدينا اي ننتصر عليكم ونذلكم وهننزل لهم ليه؟ ما هو امال هو مش عاوز عزة اصلا ما هو لما يسلم يبقى عزيز راسي براسه اسلمت مع سليمان - 00:07:48

قالت اسلمت لسليمان ما لو اسلمت لسليمان يبقى سليمان هيزلها انما لا اسلمت مع سليمان راسي بقت برص سليمان. هونبي بس انا مشنبي بس انما انا مسلمة زبي زيه. له من الحقوق والواجباتولي من الحقوق والواجبات - 00:08:10

من كان يريد العزة فايه فللها العزة ولرسوله وللمؤمنين تبدأ بقى هنا فيه تربص فيه انتزار المؤمنون منتظرین ربنا يفرحهم ويوريهم في المنافقين والكافرين اياته والمنافقون والكافرون منتظرین ايه؟ برضو بيتربيصوا - 00:08:31

بالمؤمنين بس هيشفوا ايات لا ده ما بيدوروش على ايات وعاوزين انكسار فضيحة اي مصيبة تيجي للمؤمنين والاتنين دول الفريق الاتنين دول ناس. ناس ناس وانتزار دول او تربص هؤلاء مش هيطول وتربيص هؤلاء مش ايه؟ مش هيطول - 00:08:57

مش هيطول فتأتي سورة الانبياء وتحسم المسألة وتقول اقترب ايه للناس حسابهم. العملية قربت. يا منافق هتاخذ حلق وهتعاقب ويما كافر كذلك ويما مؤمن برضو صبرا صبرا. ليه؟ اقترب للناس ايه - 00:09:23

حسابهم العملية اصلا قربت والحساب قرب. اقترب للناس حسابهم وهم في غفلة لما تتأمل الاية ديت طبعا المفروض ان احنا نتأمل جميع الايات اصلا نجد فيها اسرارا الشيء الاول عظمة النزم القرآني يا اخوانا - 00:09:44

نزم القرآن طبعا اصل مش حد الفه يا الله سبحانه وتعالى تكلم به كلام بهد كلامه سبحانه وتعالى لو ايهرأيك لو جت اقترب حساب الناس اقترب حساب الناس. تفهم منها ان الحساب قرب ولا ما تفهمشي - 00:10:07

ه؟ اقترب حساب الناس بس لا يمكن ابدا تبقى اقترب للناس حسابهم اي حاجة ودي حاجة اعجاز في النزم اقترب للناس حسابه تخصيص لان الشيء اللي اقترب ده جاي للناس بس - 00:10:28

فعلا هي الملائكة مش هتحاسب. وضيف على الناس الجن لانهم يعتبروا زينا. الا امم ايه؟ امثالكم. هيتحاسبوا. فضمهم على الناس فما فيش مشكلة يعني فاقرب للناس حسابهم اي اقترب زمان حسابهم - 00:10:55

والله الرسول عليه الصلاة والسلام عبر عن ذلك والقرآن عبر عن ذلك. لما يقول رب العزة اقتربت الساعة ما هي الساعة بعدها الايه بعدها الحساب اقتربت الساعة. والنبي عليه الصلاة والسلام يقول بعثت انا والساعة - 00:11:13

كهاتي بعض العلماء يقول كهاتين يعني الفرق بيني وبينهم شاف الصبعين دول يعني في الطول بس انا شايف الطول مش بلاغة او اي انما انا شايف اللي اكمنهم ايه ملاصقين ملاصقين - 00:11:30

بعثت انا وال الساعة يعني ساعة ما شفتوني كانكم شفتم الایه؟ الساعة قريبة خالص انا وال الساعة كهاتين وال الساعة دي هي بدايات الایه؟ الحساب بدايات الحساب النص هنا يا اخوانا عجيب برضه ادخل المشركين. الكلام اولا فيه الصدام اللي بين الرسول وبين الناس عبارة عن صدام بين الرسول - [00:11:50](#)

لسه الرسول الصورة دي في مكة واللي حواليه اللي معاندين له مشركي مكة. طب بقية الناس فيه لسه ما حدش يعرف عنه حاجة واذا كان يعظام بعض اهل الكتاب عندهم معلومات بس بقية الناس ما تعرفش هي ما تعرفش رسول مين ورایح فين وجاي منين ودعوته ايه والكلام ده كله ما يعرفوش عنها - [00:12:26](#)

بس النص بيقول اقترب لمين؟ ما جابش المشركين بس دخل كله فعلا دخل كل الناس لان فعلا حساب الناس قرب. ايه المؤمن والايه والكافر كله بقى دخله الجيش لما نيجي نشوف الجملة المركبة كده اقترب - [00:12:44](#)

الطلبة دي ايه؟ ها عالم ماض. فين فاعله حسابه اقترب للناس حسابهم. بقى فاعل اقترب هو ايه ها الحساب يعني الحساب اقترب قال كده الایة بتشخص الحساب على انه كائن حي - [00:13:03](#)

ها وبىتحرك وقرب مش ولا ايه؟ اقترب للناس حسابوهم بقى الحساب دي شيء يعني ايه؟ زهني شيء متتصور اتحول الى شيء حسي وبيقرب ويبعد بس هنا قرب قرب يعني ايه؟ قرب قرب اقترب - [00:13:32](#)

بقي شيء ملموس محسوس وجاي بدور علينا ما هو بدور الحساب عمال بدور. فين الناس؟ فين الناس بين الناس ويقرب من الناس او لقى شوية ناس هنا وبعدين راح للناس دول عشان يقرب منهم. وطلع من البلد دي راح البلد دي مش كده ولا ايه - [00:14:00](#)

اقربوا بقى الایة بتشخص الحساب كانه ايه ها كائن حي بيقرب وعارف الناس عارفهم اصل حسابهم اضيف اليهم طب ما قالش اقترب للناس حسابنا ولا ايه ما قالش حسابنا قال حسابوهم لان الموضوع خاص بهم - [00:14:22](#)

طب مين اللي هيحاسبهم؟ ربهم صحيح. بس هو عمال يقرب منهم يا اخوانا نسأل الله لنا ولكم حسن الختام معقول الشكل ده كده احنا متخيلين الصورة دي متخيلين ان حسابي - [00:14:50](#)

مهو انت لو قلت جملة بقى اقترب للناس. طب تجزئة اقترب لي مش انا واحد من الناس ضرب لي حسابي امتي؟ يمكن يمكن في المجلس دهو ما تقومش من المجلس - [00:15:04](#)

هو قرب يعني ما تبصش على المستوى الاجمالي المستوى الاجمالي هتلاقى فيه راحة وترىح دماغك للناس انما لما بقى على مستوى الایه؟ بقى انت تفكرب قرب طب وبعدين حساب يعني ايه؟ لك وعليك لك وعليك. ما هو الحساب كده مش الحساب كده؟ الحساب اللي احنا نعرفه لك ايه وعليك ايه - [00:15:19](#)

مش هو ده الحساب طيب حسابي قرب يعني هيتقاول لك ايه وعليك ايه؟ طب مين اللي هيقول؟ ما هي الناس خلاص ما ليش خلطة بهم بقى انا سبتمهم فمين اللي هيحاسبني - [00:15:42](#)

ربى بك ايه وعليك ايه فالایة تشخص الحساب كانه شيء مع يعني شيء حسي مش معقول. هو معقول اه في الذهن. بس بقى شيء حسي وبيقرب ويبعد بس من الناس - [00:15:56](#)

طب عاوز ايه من الناس؟ عاوز احاسبكم لا الله الا الله واحنا عملنا فيك ايه ما هو خلاص ما هو لازم ييجي وقت للايه؟ للحساب طلب الناس حسابهم نجد في الایة ايضا - [00:16:12](#)

ان اقترب الحساب معناها اقترب الموت. لان الموت ده بدايات الایه؟ ها؟ الحساب الایة بقى بتشخص فينا برضه تشخيص عجيب. من التأمل في الایة وهم في غفلة معرضون يا ريت لما قرب انتبهنا على مكان بعيد - [00:16:31](#)

كما يعني انما ده لما قرب احنا فين في غفلة ومعرضون يعني الرب يبعد زي بعضها زي بعضها. وهم في غفلة. يا الله وهم في كاس عالم ايا كان ايا كان الغفلة - [00:16:52](#)

هم في كاس العالم شوفوا الدول اللي بتنطلع والدول اللي بتفضل وهرجع لمين؟ غفلة ايا كانت الغفلة ايا كان في غفلة مو معرضون معرضين عن ايه بقى برضو من ضمن الغفلة الذين استجابوا لربهم الحسنى والذين لم ايه - [00:17:15](#)

اه هنا شيء مهم جدا لو اقترب حسن الحساب يا مرحبا انما كون يقترب اللي هيقترب ايه حسن الحساب ولا سوء الحساب الاتنين لأن الاتنين: الاتنين: الحساب الحساب سوء الحساب وحسن: الاتنين: الحساب - 00:17:34

طب حسن الحساب يا مرحباً ما يقرب ما انا عاوزه دلوقتي طب سوء الحساب؟ اعوز بالله سوء الحساب وحسن الحساب قوله تعالى في سوء الرعد للذين استحابوا لربهم الاباه الحزن: - 00:17:59

والذين لم يستجيبوا له يبقى فيه سوء حساب للذين استجابوا لربهم الايه ؟ الحسنى. يبقى حسن حساب يا مرحبا انما الثانية بقى والذين لم يستحبوا له ان لهم ما في الارض. حمضا ومسله ممعه ها لافتدوا به. اولئك لهم ايه ؟ سوء الحساب. اعوذ بالله -

00:18:14

فلم يقترب سوء الحساب صعب طب ما انا ما هي حسن الحساب برضه بيقدر يبقي انت بقى تختار ينقى لك مين اللي يقرب منك ولذلك رب العزة يقول والذين يصلون ما امر الله به ان يصل - 00:18:39

ويخشون ربهم ها ويختلفون سوء الحساب فطالما فيه سوء حساب يبقى تلحق عشان ما يبقاش فيه سوء حساب يبقى فيه ايه حسن حساب احنا بقى عافانا الله واياكم في غفلة. غفلة - 00:18:56

ایوه نفل عن ایه ما هو فيه انتباه لشیء وغفلة عن شیء غفلة عن ایه بقی لأ غفلة ها؟ عن الدين. غفلة مطلقة وعشان کده جاءت نکرة وهم فی غفلة - 00:19:17

عن ايه؟ عن ايه؟ غفلة عن ايه طالما نكرة حط تحتها كل اللي بيجي على بالك واللي ما يجيش كمان وهم في غفلة كله كله وهم في غفلة وهم في اي غفلة؟ غفلة - 00:19:37

غفل عن ربهم اي غفلة عما ينفعهم. نعم واعف عن اخرتهم غفلة عن حسابهم غفلة عن مصالحهم غفلة نكرة وهم في غفلة كل ده موجود. وطبعا الكلام مش محتاج تفسير. هو احنا في ايه دلوقتي احنا في انتباه ولا في غفلة - 00:20:01

لحد امتي؟ وهم في غفلة ومعرضون برضه معرضين عن ايه - 00:20:27

عن كل ما ينفعهم يعني لما يبيجي مسلا استجيبوا لله ولرسول اذا دعاكم لما يحييكم فهم معرضون مش هنستجيب وهو ده اللي موجود يلا يا اخوانا نرجع لدينا واحنا مالنا ما احنا حلولين اهو - 00:20:49

يعمل لنا ايه يعني؟ هيوزونا ايه؟ احنا مش ناقصنا حاجة اصلا مش ما يصلح حاجة اه يبقى معرض غوي معرضون. يبقى غفلة - ومعرضون ماشيين للاما بس ناحية الشر ولذلك قال رب العزة وان تدعوههم الى الهدى فلن يهتدوا اذا ابدا. هم دول اللي في الغفلة -

00:21:08

نَعُوذُ بِاللَّهِ مِنَ الْخَزَلَانِ قَوْلُهُ تَعَالَى مَا يَأْتِيهِمْ مِنْ ذَكْرٍ مِنْ رِبِّهِمْ مَحْدُثٌ إِلَّا أَسْتَمْعُوهُ وَهُمْ يَلْعَبُونَ أَجْتَمِعُوهُ وَهُمْ يَلْعَبُونَ مَا يَأْتِيهِمْ إِلَّا كَلَمًا
أَتَاكُمْ كَلَمًا حَاءُهُمْ ذَكْرٌ مِنَ اللَّهِ وَذَكْرُ اللَّهِ مَرْوُثٌ تَأْمُلٌ الْأَيَّةُ كَوْبِسٌ - 00:21:38

الذكر هو القرآن والسنة. طب هل الناس مع القرآن والسنة ايه هل الناس الاستماع لهم وهم يلعبون لأن استمعوا. الاستماع لهم وهم يلعبون. يلعبون يلعبون شغل يا عم القرآن - 00:22:06

قلت له ولا ايه؟ وينسمع شجعي كاس العالم قرآن وحديس والله ما شاء الله في الداخل والخارج كله يسمع وهم يلعبون حتى القرآن تيجي افتتاح يقول لك ايه خير ما نفتح به هذا الحفل الكريم ايات من الذكر الكريم الحكيم واقرأ يا عم وتلاقي - 00:22:30

سورة الشعراء ان من ربهم - 00:22:52

محمد الا استمعوه وهم ايه؟ يلعبون في حين ان ربنا امر ان احنا لما نستمع ندي ايه انصتوا مش اسمعوا لأنصتوا يعني ادي له ودنك قوي. وركز وشف ايه اللي فيه والاليات دي بتخاطب - 00:23:10

مَنْ؟ وَهُلْ أَنْتَ مِنَ الْمُخَاطِبِينَ وَلَا أَوْلَزْكَ يَا أَخْوَانَنَا مِنْ عَادَاتِ الْكُفَّارِ يَعْنِي أَيْهُ؟ أَحْنَا بِنَتْشِيهِ بِالْكُفَّارِ فِي حَاجَاتِ كَثِيرَةٍ قَوِيَّةٍ مَا

نأخذش بالنا من ضمنها الغفلة عن الذكر - 00:23:29

يبقى القرآن واحدنا مش هنا غفلة عن الذكر لما يقول ربنا في سورة فصلت وقال الذين كفروا ها لا تسمعوا لهذا القرآن والغو فيه والغوا
شوشوا عليه والغو فيه يعني شوشوا عليه - 00:23:43

طب ليه؟ عشان لما تعطيه قلبك وازنك هتستفيد. هيأثر فيك هيغير فيك حاجة باحسن حاجة تقفل الايه تقفل بوابات القلب ببابات
القلب السمع. وقالوا لو كنا نسمع او نعقل ما كنا في اصحاب السينات - 00:24:04

هنا كلمة محدث ما يأتيهم من ذكر من ربهم محدثين محدث طب هو في ذكر حديث دلوقتي؟ يعني القرآن والسنة يعني وفيه حاجة
حديسة تاني ها مش كل حاجة اتقفلت خلاص - 00:24:27

اليوم اكملت لكم واحد بالك كل حاجة خلاص القرآن تم والسنة تم. او مال محدث محدث يعني جديد شيء محدث عكس القديم
والحديس ضد القديم والبالي هنا وصف القرآن نفسه واخته اللي هي مين؟ بانه محدث - 00:24:44

يعني ايه محدث؟ يعني جديد ايوة ما هو جديد عمر القرآن والسنة ما هيقدمه ابدا لا يخلقان ابدا. يفضلوا جداد على طول. تستجد
حوادس وامور تجد النص والعلاج. تيجي بلاوي - 00:25:09

تنزل بالناس العلاج موجود. اي مشكلة اجتماعية النص موجود مشكلة اقتصادية الحل موجود شكون لا سياسي؟ ايا كانت المشكلة
الحل ايه؟ موجود كانه لسه يا اخي ده سيدنا النبي صلى الله عليه وسلم شخص الحداثة دي بتشخص عجيب او - 00:25:27
يؤمن لمن احب ان يقرأ القرآن غضا. يعني ايه طري جديد غضا كما انزل فليقرأ على قراءة ابن ام عبد. عبدالله ابن مسعود شيء
عجب والله الصوت بيقول لي عاوز يقرأ قرآن كانه لسه طري لسه دلوقتي اهوه. فهنا محدث يعني ايه؟ ها؟ عمره بيتقاوم -

00:25:50

عشان لما يجيش في الشيطان يضحك عليك ويقول لك اه اصل الحلول دي الحلول كانت قديمة. يا عم احنا في وقت تاني خالص
انت هترجعنا للصحابة كان الحلول دي تمشي مع الصحابة. انما الناس النهاردة ابلسة - 00:26:18

ازاي يعني اي مشكلة جديدة هتلاقيه نص كأنه جدي كأنه لسة النهاردة بيعالجها بس مين بقى اللي يعرف ديه؟ لعلمه الذين ايه؟ ها؟
يستنبطونه. له رجال وله ناس يستنبطون ولذلك سيدنا عبدالله بن عباس يقول ايه؟ ما لكم تسألون اهل الكتاب اللي هم اليهود
والنصارى ما لكم تسألون اهل الكتاب عما بآيديهم - 00:26:32

وقد حرفوه وبذلوه وزادوا فيه ونقصوا منه. وكتابكم احدث الكتب بالله يعني كتاب لسه نازل ايه حديث طب وهيفضل
حديس لحد امته يا ابن عباس؟ على طول عمره ما هيقدر احدس الكتب بالله. تقرأونه محضا. يعني - 00:27:01
خالصا لم يشب عمره ما يحصل عنده ايه؟ شيبة القرآن ما يتقادم ابدا. ما يأتيهم من ذكر من ربهم محدث الا استمعوا اليه وهم
يلعبون. وهم يلعبون. طب ليه؟ اجتمعوه وهم استمعوه - 00:27:26

الفاعل اللي هنا او الضمير المرفوع اللي في كلمة استمعوا يعود على مين؟ يعود على المشركين ويعود على المسلم المستهتر اللي مش
فارقته عنده اي حاجة في اي حاجة يلعب يلعب دي حال - 00:27:50

ما يأتيهم من ذكر من ربهم محدث الا استمعوه وهم ايه بيسموها العلماء حالة لازمة. لازمة ليه يعني؟ يعني لازم تيجي يلعبون. لأن لو
ما جتش يبقى دي فيه فيه ثناء عليهم - 00:28:08

يعني هنشيلها كده من النص مؤقتا ونحاول نفهم النص ما يأتيهم من ذكر من ربهم محدث الا استمعوه واسكت وبلاش كلمة ايه؟ وهم
يلعبون. يبقى دي ثناء ولا ذنب؟ ها؟ ثناء. ثناء. الا اصطنعوه - 00:28:26

فتيجي الحالة الازمة دي لازم تتحريك نحشرها والازم تيجي في الجملة عشان تزم ايه واحد بيسمع سماع لعب وسماع استهتار فيوم
تقول ايه الا استمعوه وهم يلعب يبقى لازم تيجي. ليه؟ لأن بتوصف الحالة فعلا ان لأن لو ما جتش يبقى استمعوه يبقى شكرأ.
جزاكم الله خيرا ان انت استمعتم - 00:28:50

ما يأتيهم من ذكر من ربهم وحدة الا استمعوه واقوم ايه يلعبون. لاهية حاضر ان شاء الله. لاهية قلوبهم. واسروا النجوى الذين ظلموا.

هل هذا الا بشر مثلكم؟ افتاتون السحر - 00:29:23

وانتم تبصرون لاهية قلوبهم. يا الله! لاهية قلوبهم هو الله يشمر القلوب؟ اه يعني مش على قد الجوارح بس لأنه لهو القلب اخطر انواع الله ليه لانه بيصرف صاحبه عن مرضات الله - 00:29:48

اصل ممك تبقى انت يعني جوارحك ما فيهاش لهو بس قلبك اللي فيه الله يعني السبحة في ايدك وبالدرع وما بتغلطش هم التلاتة وتلاتين والعدد مزلوم بس انت بتطرقهم وانت ايه - 00:30:20

دماغك هنا وهنا وتبص على اللي رايج واللي يبقى مين اللي لاهي؟ العدد والعداد ولا القلب؟ القلب لا هي تنقل قلوبهم من اخطر انواع الله ده في لهو مش خطير؟ ايوة في لهو مش خطير - 00:30:44

والاسلام سمح به لان النفس بتمل فلابد من حاجة تبقى ايه زي ما احنا بنقول لها على فرايحي فرايحي فيبقى بس بضوابط بضوابط عشان ما يحصلش كبت للنفس وملل وتشتاق للطاعة - 00:31:05

وتبيين ان الاسلام متكملا لان النفس الانسانية لها رغبات كثيرة فيها اشياء كثيرة يبقى لهو القلوب ده اخطر انواع الله لاهية من قلوبهم ليه لانها بتنصرف عن الله عز وجل طب لهو الجوارح في منو قدر مسموح - 00:31:28

مش مطلقة لا في قدر مسموح من لهو الجوارح. على سبيل المثال السيدة عائشة رضي الله عنها كانت في فرح ورجعة بس اوعي بيحيى في بالك ابدا الايه افرحنا ابدا - 00:31:49

ابدا لأنما رجعت هي زفة امرأة الى رجل من الانصار ورجعت فقال لها نبي الله صلى الله عليه وسلم يا عائشة ما كان معكم له ما كان معكم له - 00:32:06

فان الانصار يعجبهم الله يعجبهم الايه؟ الله يا لهوي الجوارح بقى انما لهو القلوب لا الانصار ما عندهاش لهو القلوب لا ما يعرفوش اصلا ده مرضي عنهم من الله رضي الله عنهم - 00:32:26

رضي الله عن الايه المهاجرين والانصار اه هل كان معكم له يبقى السيدة عائشة آآ طبعا في رواية تانية قالت له يعني كنا نقول ايه؟ احنا ما كانش معنا بصراحة - 00:32:48

طب كنا نقول ايه؟ لو كنا عاززين يعني نفرحهم في حديث تاني قال لهم قولوا اتیناكم فحيونا نحييكم ولو لا الحنطة السمراء ما سمنت عذاريكم ولو لا الذهب الاحمر ما حلت بواديكم - 00:33:04

انت عشان دفعتوا لها مهر يعني جت عندكم كده يعني له بس ضوابط وخلاص وانتهى الموضوع وزفينا العروس للعرس ومين بقى اللي يقول الكلام ده النساء الجواري شوية اولاد كده هم اللي ايه يقولوا للعروسة الكلمتين الحلوين دول - 00:33:22

قال لي هتقول ايه؟ يعني لو لو حبينا نطبق السنة خلي بالك بقى الشيطان مش هيسبيكم يقول لك لو حبينا النساء بالزات لو حبينا نطبق السنة كده خلاص الفرح خلص - 00:33:48

اتیناكم اتیناكم فحيونا نحييكم ولو لا الايه؟ ها حنطة السمرة ما ايه ما سمنت ولو لا الذهب الاحمر ما حلت بواديكم. يلا سلام عليكم دي فرح ده دي فرحكم قال وليه ما قال - 00:33:59

الشاهد ان الشيطان لا يتركنا عشان تنهو القلوب قلوب تلهو وادي انت شيب بقى شف دلوقتي تبela عليك اقتل سم الله و اللي اللي حوالين كأس العالم ده تسميه ايه - 00:34:20

ده لهو ولا كفر؟ ده عدى مراحل الله بسنين الله يبعد من دون الله. الله يبعد من دون الله ويقدس ولا يمس ولا قلت وما زلت بقول يا اخي ده المسلمين ما لهمش رئيس - 00:34:40

مسلمي العالم ما لهمش رئيس لعيبة العالم لهم ايه فيفا والفيفا لها رئيس ويرفض اللي يرده ويسيب اللي يسيبه وكلامه يتسمع. الله شغل ايه ده ان شاء الله الرجال ده رئيس - 00:35:02

كويس اللعب اللعب الهون اللعب الكبير اوبي يا انه انتفخ وانتفتش بقى بالشكل ده طب بالله عليك القلوب دي ترجع لله بالمنزد ده يبقى لا هي تاني ايه؟ ده الجوارح لفت القلوب اصلا - 00:35:19

الفت القلوب الرسول عليه السلام عن ابي هريرة قال بين الحبشة يلعبون عند النبي بحرابهم. فين؟ في المسجد لاهو بس له نزام - 00:35:40

وله هادف ولا هو يعلی امه مش يخرب بيوت امه ولا هو دلوقتي خرب بيت الامة مليارات تترمي في الارض وايه اللي يعود على الامة ولا حاجة. اسمنا دخل التاريخ - 00:36:04

تاریخ اي تاریخ الاحباش بيلعبوا في مسجد النبي ابو هريرة بيروي. يقول دخل عمر فاهوی الى الحصى المسجد مفروش كله ايه؟ رمل نضیفة کده وخشنۃ. اھوی الى الحصى - 00:36:20

امشیت حفنة حصی وقام حدفها في مین بالاحباش عاوز اقول لهم ايه اللي بتعملوه ده فقال رسول الله صلی الله علیه وسلم دعهم يا عمر انتبهوا بیقی عمر لسه المعلومة دي جديدة بالنسبة له - 00:36:39

معلومة جديدة دعهم يا عمر ليه؟ لهو وفي المسجد؟ ایوه. بس له بايه؟ بالحراب کل واحد معه سلاحه لا لهو الحرام ده والله العزیم ولا تقولی کؤوس العالم الحربة شيء خطیر. انا بقعد ساعات اتخیل كانوا بيلعبوا بها ازای؟ يعني انا في اید الحرب مسلا - 00:37:02 واقوم جای على صاحبی وحبابی وکأن ایه ها اضریه بس طبعا مش هضریه مش هضریه وبیفادیها ازای وشغالانة صعبه جدا وانا اقرب منه فعلا يعني لو کده واتحكم في الحربة - 00:37:25

نايه شغالانة شغالانة صعبه جدا جدا. انت عارف لو تنشین حاطین حاجة واضریه بالبلاد دي عليها سهلة. انما ده انا ده کائن حی قدامي مش آآ مش شاهد بضرب فيه وخلاص لأن ده کائن حی - 00:37:42

انا عاوزك تتخیل اللعبة دي تتم ازای؟ تتم ازای؟ وبعدین لما بیجي يطبقها بقی عملیا بقی تخیل کده او هو لو بيرمیها فعلا واحد واقف على بعد وهو بينشن عليه وبيرمیها وبیفادیها - 00:37:58

كانها برضو فعلا في المعركة وال Herb دي جایة لي من العدو. وانا بیفادیها فداها ازای وحسابات شغالانة صعبه استحلفکم بالله تتخیلوا اللعبة دي منتهی الصعوبة غير السیوف غير السیوف شوف ده کل واحد في ایده في ایه - 00:38:13

تشوفه في ایده خبطة کده کده انما ده هیرمیها ولا يعني بیعمل کأنه هیضریه بس ما بیضریوش ولا بیحدفها عليه فعلا فالانة صعبه وسیدنا النبي موافق؟ ایوه. طب ليه؟ ما انا عاوز دول - 00:38:33

دول انا عاوزهم في يوم من الايام ولا ایه وحوزهم على طول لاني الاسلام هيحارب ليوم الدين بس هل كلهم هيحاربوا؟ لأن مش كل يوم هيحاربوا. بس معروف انهم اصحاب قوة. يتعمل لهم مليون حساب. هي امريكا بتحاسب بتحارب كل يوم - 00:38:52

ها احنا اللي بنحارب كل يوم احنا اللي في المعجنۃ هم بیحاربوا هو الاسطول قاعد في في البحر ولا فيش ریشه والفلوس بتیجي له اخر منجة وما عندهمش بطالة. اللي بیشيلوا الشغله يخش الجيش - 00:39:12

عندهم ويقبض نقبض فلوس ما لهاش حساب في البحر ده وفي البحر ده والمحيط ده والمحيط ده بیحاربوا حد ما بیحاربوا حد بس قوة کده وخلاص. هو ده الاصل بقی. ده بتاعنا احنا اصلا - 00:39:30

احنا مش عايزين نروح بعيد المهم هنا اللھو بقی اللي الاسلام اباھه لا هو يؤدی هدفا يوصل غایة انما اجري وراء شویة هوا وحنته جلدة اجري جابت ایه دخلت في اسجد شکرا لله على ایه - 00:39:45

يا ناس يا ناس اللي احنا فيه ده ایه ده فين ده ده فعلا لا هي قلوبهم القلوب نھی عن القضية لا هي عن الدين اصلا. هو احنا جيلنا فين اصلا؟ على الخريطة الانسانية دي. ما لوش وجود - 00:40:09

مش ممسوح ممسوح ونقدر بقی ایه نتشعبط في شویة حاجات کده قال دي هترجع لنا الدين. قالوا هتطلع صورة حسنة للدين. اكتب لي احادیس على الحيطان اكتب لي مش عارف ایه وزع لي مصاحف - 00:40:35

بخزعبلات دي اصلا لاهیة قلوبهم قلوب لاهیة عن الدين اصلا الجوارح هتعمل ایه؟ اعمل اللي تعامله. قلبك بعيد عنہ اصلا. لتنقضن لتنقضن عری الاسلام ایه عروة عروة دعهم يا عمر بیقی لا هي قلوبهم واسروا التجوی. لا هي قلوبهم اه. المشرکین خدوا جنب - 00:40:51

وطبعا الناس بقى المشركين انهم ما خلصوش. واللي هي قلوبهم كل العالم اللي انت شايفه دول ما عدا ما خلاص دخل في المعمعة كامل اللاتين مiliar اللي شوية دول دخلوا هم الاخرين بقت لا هي قلوبهم الى مراحل ربي. يبقى بقية العالم كله لا هي قلوبهم. واسروا النجوى العالم - 00:41:21

ده كله تكالب علينا زي ما تكالبوا على رسول الله. تكالبوا عملوا ايه بقى اشر النجوى الذين ظلموا. عملوا اجتماع ورا اجتماع واجتمعات ما بتخلصش. وليوم الدين الاجتماعات موجودة - 00:41:40

واسروا النجوى يعني عملوا جلسة سرية يتناجون فيها يتكلموا فيها مع انفسهم ومع مين تاني مع اي حد من الایه؟ اللي ناوي يؤمن بالرسول عليه الصلوة والسلام. يقوموا يقولوا ايه - 00:41:57

هم طبعا بيتكلموا في السر اسر النجوى الذين ظلموا. قالوا ايه هم قاعدين؟ قالوا هل هذا الا بشر مثلكم يا اما بيقولوا لبعضيهم يا بيقولوا لحد شايفين ان ممكن ايه ها - 00:42:15

يسلم او اسلم وعاوزين يشككوه هو ده كله في في المعنى ده واسروا النجوى. مين اللي اصر النجوى؟ المشركون والكافرون والمنافقون كله مع بعضه كده في زمن النبي لا تقولي اية الاية مكية اه الاية المكية مشركون. هتلاقي برضو نفس الكلام في المدينة هو العداء للسلام هيخلص؟ كلام في حق الاسلام مش هيخلص - 00:42:30

يبقى اسر النجوى الذين ظلموا. هل هذا الا بشر مثلكم افتاؤن الایه السحر وانت تبصرون. مين السحر اللي يقصدوه؟ يقصدوا النبي عليه الصلوة والسلام انت ايه مسحورين ولا ايه؟ انت مش في وعيكم ولا ايه - 00:42:58

نفس الكلام هيتقاول على الدين برضه ايه الاسلاميين دول؟ ايه ده؟ لا لا ما فيش حاجة اسمها اسلاميين ولا الكلام ده كله اه الشيعية هي الاصل العلمانية هي الاصل بزنجانية هي الاصل لا ما فيش حاجة اسمها اسلام خالص - 00:43:18

هل هذا الا بشر؟ ده اعتراض على بشرية الرسول صلى الله عليه وسلم اعترضوا على بشريته. هل هذا الا بشر مثلكم وما في داعي للاعتراض وبشرية الرسول صلى الله عليه وسلم امر ضروري - 00:43:33

بشرية الرسول يا اخوانا امر ضروري حتمي. لازم يكون بشر. ما ينفعش يبقى حاجة تانية ابدا بشرية الرسول دي من رحمة الله بنا عشان نفهم عنه وعشان نقدر نقلده لانه لو كان حاجة مش بشر صعب تقليده - 00:43:51

صلوات الله و يا راجل ده انت لو حبيت تقلد استحلف لو عاوز تقلد قرد ما تعرفش تقلده مش ملك قرد امشي كده مشية القرد طنططي القرد ما تعرفش يبقى لازم الرسول يكون ايه ها؟ بشر. يبقى بشرية الرسول امر ضروري. ولذلك رب العزة يقول ولو جعلناه ملكا ها - 00:44:12

يعني لو بعثتنا لكم من اصول بس ملك لازم نحوله الى ايه؟ الى زي جبريل ما كان بيتحول الى ايه؟ الى رجب بشر في صورة مين؟ دحية الكلبي. ليه؟ طالما بقى الصحابة هيسمعوا جبريل بقى. انما لو الصحابة مش هيسمعوه يفضل بقى جبريل كما هو - 00:44:37

الرسول يتعلم منه انما لو هنسمع بقى يبقى لازم يتتحول الى ايه الى بشر. ولو جعلناه ملكا لجعلناه ايه بشرية الرسول صلى الله عليه وسلم لا تمنع اتباعه بل تسهل اتباعه. وكل الانبياء كانوا ايه - 00:44:58

كانوا بشر شيء غريب بقى هنا اعتراض ليه بتبعه بشر زيكم ما فيش حد بيعرض ابدا على اتباع ابليس. ما حدش قال انت بتبعوا ابليس زيكم ليه مع اني لأ ما تتبعوش ايه - 00:45:15

بشر انما تبع ابليس اه. هو ابليس بشر ابليس اه بشر ما هو فيه نفس صفات البشر أه هو اه بشر يعني مش اين ادم يعني لأ بس فيه نفس صفات البشر بياكل وبيشرب وبيمرض - 00:45:38

وبيحيى وبيموت كل اللي في البشر موجود فيه وبينجy بقى هنا الاعتراض على ايه؟ الاعتراض ليه بتبعه بشر نفس الكلام دلوقتي اهل العلم او العلماء الربانيين المفروض الناس تمشي وراهم وتقول لك مين يعني - 00:45:53

هو ايه زاد عينينا ايه؟ زاد عنك ايه؟ طب ما هو برضه هتقول ما هو الكلام اللي هتقوله على العالم الرباني هتقوله على مين؟ على النبي عليه الصلوة تقول زاد عننا ما هو بشر. نفس الكلام - 00:46:14

واسروا النجوى الذين ظلموا هل هذا الا ايه؟ الا بشر مثلكم. افتاؤن السحر وانتم تبصرون ده اعتراض على بشرية النبي عليه الصلاة والسلام واعتراض على القرآن قال ربى يعلم القول في السماء والارض وهو السميع العليم - 00:46:24

ده مين؟ اللي الرسول قرأت هكذا قال ربى قراءة حفص وحمزة والكسائي وخلف وقرأ الباقي القراء قل ربى فعل امر قل ربى او قال ربى يعني كن لرسول سبق نبينا صلى الله عليه وسلم لما اعترضوا عليه قال قال ربى - 00:46:48

اعلم الايه القول في السماء والارض وهو السميع العليم. او قل انت يا محمد قل ربى يعلم القول في السماء والارض وهو السميع العليم اعتراض على القرآن يا اما اعتراض على الرسول يا اعترض على يعني القضية كلها ايه ها؟ مرفوضة مرفوضة - 00:47:13

وكلامنا مش جديد الكلام ده لحد يوم الدين قضيتنا مرفوضة. طب مين اللي هيئادي بها ان شاء الله هل وكلاء ينادوا بها مسلا في الامم المتحدة ناس مندوبة عننا ترفع قضيتنا في الامم المتحدة - 00:47:34

ينفع ولا مين اللي هيرفع قضيتنا احنا ولنا الشرف ذلك قال رب العزة بل قالوا اضغاث احلام بل افتراء بل هو شاعر كل ده ايوة فليأتينا باية كما ارسل الاولون - 00:47:54

انت بتبقى ممكن تتنازل عن حاجات من دينك كتير عشان ما يتقالش عليك كلام كده اكيد اعتقد انت عارف فهمي انا عاوز اقوله لك ولا ايه تلاقي نفسك عاوز ايه تخلص من حاجات من السنة - 00:48:16

وبلاش المزهار ده عشان ما يتقالش علي ان انا ايه متزمد او متدين بس يعني ايه بصلبي بس الله وهو الباقي بيعمل ايه وغيرك بيعمل ايه؟ ما هو بيصلبي بس - 00:48:30

واي حد بيعمل ايه غير بيصلبي بس ها واحد بالك من الكلام ده نفس الكلام بتحاول انت ايه تنكمش حتى لا يقال عليك شيء يبقى الرسول عليه الصلاة والسلام شف بقى بيتحاول عليه ايه والقرآن بيتحاول عليه ايه - 00:48:45

بس الرسول سبت وقضى نحبه وقدم عليه بل قالوا اضغاثوا احلام. مين اللي قال بس لحد يوم الدين انا بشوف ساعات كده حتى صغيرة كده الناس ازنان طالعة كده بيطلعوا - 00:49:06

واحد اسمه عبده ماهر حاجة زي كده ومذموم مذموم ابن ضلاله عارفين مذموم ابن ضلاله هاه يطلعوا يقولوا كلام كتير كده. انا ما بحاوش افتح ولا بشوف الجملة بس بشوف عناوين. يقول لك صلاة العصر دي ليست الصلاة الوسطى ليست من الصلاة 00:49:29 -

عنوان كده وانت بقى تخشن وتشوف وتكتر الايه ها المشاهدات ما شاء الله على الابداع والثاني ينكر عزاب القبر والتالت مش عارف يقول ايه. حاجات كتير كده فهو ده ما هو هم المشركين قالوا ايه - 00:49:47

اضغاث احلام. خلصوا ولا ما زالوا وابن البحيري وابن معيسى وابن فلان وابن علان كله عمال ايه بنفس الكلام. ابو غاص واحلام تفرق ايه؟ ما تفرقش حاجة طعن في الدين - 00:50:05

سواء طعن في الرواية ما هو ده طعن في الدين او طعن في النص احمد عبده ماهر ده بيقول انا عمري مؤمن بحدث يعارض الاية ايه يا اخويا الحديث اللي بعده ده؟ انت بتقولوا من بدل دينه فاقتلوه - 00:50:23

والاية بتقول لا اكرهه في الدين. تقوم لك قومة وتتفقى ترد وتبين وتجيب هي نفس الكلام. هي اضغاث احلام برضو هو الكلام ده هو اضغاث احلام يعني هو القدامى قالوا كده ده اللي موجود عندهم في الوقت ده - 00:50:41

والحداسة بيقولوا ايه؟ بيقولوا نفس الكلام. ما بيؤمنش بحدث اتعارض مع الاية. طب اعني ان احنا نعمل ايه في مخك المضم اللى ما نتاش عارف توقف بين الاية والايه وال الحديث. ما لنا احنا ومال مخك - 00:51:01

الرسول هو اللي قال دي والرسول هو اللي قال دي عليه الصلاة والسلام مالنا ومال مخك نفس الكلام يا اخوانا ما هو الحال ده هيفضل لحد يوم الدين او او يزهار المهدى او ينزل عيسى بقى - 00:51:15

بل قالوا اضغاث احلام على ايه؟ ها عالقرآن بل هو شاعر يبقى طعن في مين؟ في الرسول يعني لا القرآن نافع ولا الايه سبحانه الله تأمل شوية معى كده اتفاظ احلام دي. الاضغاث جمع ضعف - 00:51:30

حاجات كده بتتجمع مع بعضها كده حزمة ايه حزمة قش حزمة حشيش حزمة آا اي حزمة آا عندك عارف البلح المقشة البلح
ما قلش البلح اللي لها عيدان كتير دي - [00:51:53](#)

هادي اهي دي اوغاص اتفاظ. طب ايه علاقة انت بالموضوع ومن الاضغاز دي برضو الضغص اللي سيدنا اイوب خده وضرب به مين ؟
وخذ بيديك ايه ؟ ضعفا ومن الاضغاس برضه ان في سورة يوسف قالوا بل قالوا ايه ؟ قالوا اضغاف احلام. وما نحن ايه ؟ بتأنويل
الاحلام - [00:52:12](#)

بعالمين. اضغص يبقى التفهم ده بقى كده اتفص يعني ايه ؟ خليط خليط حاجات كده ايه على بعضها طب برضه ايه علاقتها بالقرآن ؟
قالوا القرآن ده عبارة عن خليط من الاحلام. محمد صلى الله عليه وسلم ينام النومة ويحلم - [00:52:36](#)

يحلم ايه ؟ يحلم بقصة مسلا زي ست شعيب يقوم الصبح يقول لنا قصة شعيب يحلم بقصة تانية فيها ان الاصنام ديت رجس من عمل
الشيطان ها يصبح الصبح يقول لنا الاوسان ديت وقصة سيدنا ابراهيم مش كده ؟ ما هذه التماشيل التي انتم ايه - [00:52:54](#)
اه اه ينام نومة تانية يحلم بمسلا بآيات في المواريس. ويقسم لنا الایه فقالوا القرآن ده كله عبارة عن ايه ؟ ها عبارة عن احلام متجمعة
وايه ومحمد بيقول لنا عليها صلى الله عليه وسلم - [00:53:19](#)

بل قالوا اضغاف احلام اي هذا اتهام للقرآن العظيم انه خليط وهو فعلا خليط في كل حاجة ما فرطنا في الكتاب من ايه ؟ لازم يكون
فيه لانه ده قرآن دستور هيمشي لحد يوم الدين لازم يبقى فيه كل حاجة - [00:53:39](#)

قصص دلائي احكام تلائي عقيدة تلaci كل شيء موجود هم بقى قالوا على الحاجات دي اضغاف. اضغاس يعني تشكيلة تشكيلة طب
انتم بتحلموا فيها المشركون وبرضه بتوع اليومين دول بيحلموا ولا ما بيحلموش - [00:53:58](#)
لما تحلموا كده وتطلعوا لنا قرآن زي الایه طالما هو انغاس احلام ما تحلمه اه احلموا كده وطلعوا لنا قرآن طالما هو اضغاص ايه وبلاش
طلعوا اضغاف طلعوه حلم واحد يعني من نوع واحد - [00:54:19](#)

بلاش اضغاظ احلموا كده مسلهم هاتوا لنا آيات ونزم للتربية نربى عيالنا مش عارفين نربىهم او مسلا ان ناموا وقوموا واحلموا وهاتوا
لنا نزم تحل المشكلة لايه الاقتصادية والناس تعيش كده وتتهنى - [00:54:35](#)

طالما هو اضغاس احلام بقى بل قالوا اضغاف احلام زي ما بقول لك انا هم قالوا في الماضي وما زالوا بيقولوا في الحاضر ومنسوبين
للعلم ومنسوبين والابواب مفتوحة لهم وما حدش بيعاتهم في اي حاجة ولا بيحاسبهم في اي شيء - [00:54:57](#)
ابدا ليه ؟ لان هو ده المطلوب والمطلوب ضرب في القواعد فدول بيضربوا في القواعد بل هو شاعر اني تاني فوق قبلها ايه ؟ لاما
اصرروا النجوى هل هذا الا ايه ؟ - [00:55:21](#)

اه افتاتون الایه لا طعن تاني بقى طعن ثانى شاعر يبقى في الایه اللي فاتت ساحر وهنا ايه حاشاه صلى الله عليه وسلم ولا هو الشاعر
ولا هو ايه داحر - [00:55:41](#)

وشوف العظمة بقى ان سيدنا النبي اللي بيطعنوا في الدين دول في زمانه وبعد زمانه انما لا يوجد بك شعر واحد ابدا من نزمه ما
فيش بيت شعر واحد ابدا - [00:55:56](#)

لكن قاله محمد صلى الله عليه وسلم عزمه ولا بيت شعر واحد. هم بقى لهم قصايد بالالف بيت واكتور ومعلقات وحاجات طب اه طب
لو انتم شعراء وهو مش شاعر. طب ما تعملوا قرآن زيه - [00:56:13](#)

تعلموا قرآن زيه بل قالوا ايه ؟ اضغصوا احلام بل هو الشاعر. ها اعملوا ما انتم شعرا تعلموا برضو زي دلوقتي اللي بيطعنوا. البخاري
والبخاري برضه ولاد مزمم ابن ابن ضلاله ده له برضه مقطع عدوان كده. البخاري مؤسسة - [00:56:32](#)

كاتب كده عنوان كده البخاري مؤسسة يهودية طيب ماشي البخاري ومؤسسة يهودية. انت مؤسسة اسلامية. فين البخاري بتاعك فين
الصحيح بتاعك نفس الكلام هم قالوا شاعر قالوا ابغاس احلام وما طلعوش حاجة - [00:56:52](#)

واللي يطعن دلوقتي برضه. لما تقول البخاري مؤسسة يهودية. فين انت ؟ فين صحيحك بس نتكلم وخلالص وطبعا الطعن مش
هيخلص فليأتنا باية يبقى قالوا اضغاس احلام بل هو شاعر يجيب لنا اية كده او دليل على انه صادق نفس الكلام - [00:57:12](#)

ورونا كده ما تورونا حاجة احنا مش شايفينكم الا متخلفين عايشين على المعونة احنا مش عارف نجيب اية ولا حد بيطلينا باية امال
ايه بقى بينزروا لنا نزرة تانية نزرة التخلف - 00:57:36

وان احنا مش قد مش قد القيادة. يعني احنا بتوع قيادة احنا! ده احنا يا دوبك آآ ما نعرفش نقود احنا فشلة الاسلاميين يعني اهل الدين دول قال دول ما ينفعوش ما يبقوش لاي حاجة في اي حاجة. هو نفس الكلام - 00:57:49

شاعر اضغاص يورينا اية وما حدش بيطلينا باية لان عارف ما حدش عارف هنجيب اية. فيقوم يطعن بقى ويقول لك ايه انتم انت
تعرفوا تعملوا حاجة اصلا. تعرفوا حد ما تعرفوش انتم تقاد وبس - 00:58:05

يا راجل يعني احنا ما نفععش المسلمين دول بيقوا في هم العالم الاول ده هم ربنا خالقهم عشان بيقوا العالم الایه ؟ هو خالقهم اصلا
عشان بيقوا العالم الاول. لكن للأسف - 00:58:20

هم اللي فرطوا فينعوا في العالم الایه الاخير فليأتنا باية كما ارسل الاولون عاوزين اية ايه يعني؟ عاوزين ناقة عاوزين عصاية عاوزين
كذا اي حاجة من الحاجات اللي كانت ايه بتيجي مع الرسل السابقين دول - 00:58:32

طب وبعد ما تيجي الایة اتومنوا اه هي هنا المشكلة بقى فليأتينا باية كما ارسل الایه الاول هنختم بالایة المعنى الاخريانية ديت ما
امنت قبلهم من قرية اهلكتها. افهم يؤمنون يعني ايه - 00:58:49

يعني ان الامم اللي سبقت طلبوا ايات. جبنا لهم الایه؟ الایات. ما اسلموش. ابدناهم كل قرية او كل امة ابديت طلبوا اية. فلما جت
الایة وما امنوش وبایدوا. هنعمل فيكم زيه كده ولا ايه - 00:59:08

فهم اي المشركين اللي بيطلبوا من رسول الالشیاء دي. افهم يؤمنون ولا ايه؟ زي برضه عندنا في سورة القمر اكفاركم خير من اولئکم
اه ومن رحمة ربنا ربنا ما جابهمش الحاجات دي ليه؟ عشان لو ما امنوش هتبقى مصيبة - 00:59:29

وربنا سبحانه وتعالى يريد في القدر ان يبقى منهم دعاء وعلماء ومجاهدون ربنا يريد منهم كده اللي هم المعارضين على الرسول
عليه الصلاة والسلام اللي بيقولوا ايه؟ فليأتينا باية دول. فربنا ما بعتهمش الایه - 00:59:53

ایة ليه عشان آآ ربنا يريد منهم ايه ممكن الرجال ده يعني يموت ويسيب ولد صغير من اولاده يبقى ايه يبقى حاجة كبيرة وداعية
وكذا وكذا اه نعم اه - 01:00:08

اه اه من ضمن الایات اه من ضمن الایات بس طبعاً تكون اكندو كان في مكة والسوارة مكية فایه هم عاوزين حاجات كتير بقى او مش
كله شاف القمر مش كل المشركين شافوا القبر - 01:00:26

نكتفي بهذا القدر ونسأل الله ان ينفعنا بما علمنا بالنسبة لاخواننا لاستماع القرآن لو انت رحت محل من المحلات ولقيته مشغل قرآن
انت طبعاً الدقيقة لا توفي وقت اللي هتقفوا وتنتصت تنصلت - 01:00:40

وازا قرأ القرآن فایه ولتهو وترکز وبعد ما تصرف لا شيء عليك وهو نفس الكلام اللي مشغل ده لابد ان ينصت لابد او سائق السيارة لا
بأس ان يشغل القرآن - 01:00:57

وينصت ده دي احسن فرصة للانصات لان الطوير طريق طويل وكده ويسمع ما يسمح ليه اومال اشمعنى اللي بيسمعوا الاغاني لو
القرآن لا بأس واللي قاعدين يسمعوا ولا يتشغلوا حاول يدي له وطبعاً افرض عنده حاجة على التليفون بتاعه لأ ما انا ناقصها دلوقتي
ايه المشكلة - 01:01:15

خليها لما انزل اه ندوة اه لا بأس لا بأس ما يكونش هنبدأ بالقرآن سم بعد ذلك بالفسوق والعصيان. كده بقى هنا
للقرآن مش نقوم مقررين ايتين واسماء الله الحسنى وبعد كده دق يا جدع - 01:01:38

لا اهانة للقرآن ليبدأ به هذا السفه يقول بالنسبة للزوج الذي تزوج اسنين ينقابل مع من في الآخرة لو الاتنين هو
كان زوجي الوحيد او اخر زوج في حياة الاتنين بيقوا الاتنين معه - 01:02:11

اما لو واحدة من الاتنين تزوجت بعده تبقى الزوج الایه الثاني يعني هم الاتنين لو ما اتجوزوش الا هو خلاص هيقو الاتنين معه. كانوا
متجوزين قبله وهو اتجوزهم بقى برضه الاتنين معه - 01:02:45

واحدة منهم او الاثنين اتجوزوا بعديه يبقى هو مش هيبقى معهم الاثنين وهيبقى يشوف اخر زوجة ايه تزوجها. طيب ما بعد ما اتنين مشيوا ماتوا او طلقوا لو ماتوا يبقى هو بالنسبة لها اخر زوج. طب طلاقت واتجوزت - [01:03:03](#)

يبقى مش هو ايه اخر زوج. طب افرض الاثنين اطلقوا والاثنين اتجوزوا ما بقاش هو ايه طب اكيد هيبقى في الجنة آآ يقعد كده ولا ايه لاً وبرضو انسيات انسيات ممكن انسيات ما اتجوزوش اصلا - [01:03:23](#)

جنسيات ما اتجوزوش اصلا هو في بصفة عامة لا يوجد في الجنة اعزب حدش في الجنة ايه اعزب ممكن ربنا يجوزه من بنات ماتوا بكاره ماتوا بدون ازواج هل يجوز في حالة المتوفى القادم من الخارج - [01:03:40](#)

كشف وجهه والقاء نزرة عليه لا بأس لأن ابا بكر كشف وجه النبي صلى الله عليه وسلم وقبله وقال طبت حيا وميتا يا رسول الله. لا بأس. سواء قادم من الخارج او مش قادم. او ممكن حتى اللي هيقبله هو اللي قادم من الخارج يعني لو - [01:03:57](#)

يعني يجوز اه لا بأس فما لم يدفن ما فييش محزور شرعى يعني عملا بحديث من اصبح منكم اليوم صائمها تبییت الصوم من الليل في يوم غير الاثنين والخميس - [01:04:17](#)

أه هو هنا حديث من اصبح منكم اليوم صائمها لا يشترط فيها تبییت النية صيام النفل لا يشترط فيه تبییت النية من الليل تبییت النية من الليل يكون في الفريضة فقط - [01:04:37](#)

اما يجوز للانسان ان يصبح صائمها دون ان يبییت النية لانه اصبح صائم يعتبر من الفجر لو جه عليه الفجر وما كلش كده بقى ايه في ايه ها صيام آآ الضهر لحد الضهر برضو ما كنش وهكذا وهكذا كده الصيام - [01:04:51](#)

لا يشترط ان اصل كلمة اصبح يعني من جاء عليه الفجر وهو ايه؟ لم يأكل لم يأكل وبعدين استمر حول عدم الأكل الى الصيام لأن الرسول عليه الصلاة والسلام لما كان يسأل بعد ما يقوم ويسأل هل عندكم طعام يبقى بعد الفجر وبعد طلوع الشمس - [01:05:11](#) فيقول لا فيقول اني ايه؟ صائم. يبقى النية تولدت حتى بعد طلوع الشمس هل يا هل من اه؟ هل من ذرية سيدنا موسى عليه السلام انبياؤه ما اعلم ان موسى عليه الصلاة والسلام له ذرية بعد كده؟ اه انما منه مباشرة لا. ما اعلم ان منه مباشرة. لأن سيدنا موسى عليه السلام - [01:05:39](#)

من اول انباء في بنى اسرائيل ومن موسى لعيسى هم الاثنين من انباء بنى اسرائيل. بينهم وبين بعض تلمذة واتناشرنبي تلمذة واتناشر اكيد طبعا من فرع موسى فيه انباء كتير - [01:06:08](#)

يعني مش لازم يكونوا ولاده يعني. مش لازم يكونوا ولاده انما من من ذرية لموسى اه من ذرية موسى انباء متين واتناشر ده بييجوا منين ما هو اولنبي في بنى اسرائيل عليه الصلاة والسلام. اولنبي في بنى اسرائيل. فاكيد من ذريته انباء. بس من نسله مباشرة لا اعرف ان له انباء - [01:06:27](#)

من نسله مباشرة بيان معنى صحف موسى وكذا نعم اه ها اه بنى اسرائيل اه بيان عن صحف موسى وكذا تقصد صحف ابراهيم صحف ابراهيم وموسى يا اخوانا يعني لما نقرأ في السنة ما وجدنا بيان لها - [01:06:50](#)

هي موجودة في القرآن جملة ان هذا لفي الصحف الاولى صحف ابراهيم ايه وموسى آآ موجود في صحف ابراهيم وموسى الـ تزر وازرة وزر اخر وان ليس للانسان الا ما سعى وان سعيه سوف يرى - [01:07:17](#)

موجود في الصحف برضه صحف سيدنا ابو المستوحيد الله سبحانه وتعالى كده يعني انما التفاصيل الصحف دي فين وراحت فين وجلت منين ما فييش تفاصيل قرآن التوراة نفس الكلام. التوراة الحقيقة فين - [01:07:37](#)

لحد زمن الرسول عليه الصلاة والسلام كانت موجودة مع ان فيها اصل ولزق لحد وجود الرسول عليه الصلاة والسلام كانت الدورة موجودة وكانت بتقرأ بدليل قصة الرجم للزانيين اليهودي واليهودية جابوها وقروها - [01:07:52](#)

جابوها وقروها فيها ايه؟ اية. بعد كده راحت فين؟ الله اعلم. ايه اللي اتزاد عليها؟ لأن النص نزل على الرسول عليه الصلاة والسلام يا اهل الكتاب قد جاءكم رسولنا ها يبيين لكم كثيرا مما كنتم اه يبقى فيه حاجات مخفية - [01:08:12](#)

اه والقرآن اتكلم عنه ايه اللي زاد عليها بعد كده؟ راحت فين كلها بعد كده؟ الله اعلم. وكذاك الایه الانجيل نؤمن بهما في الجملة

ونؤمن بصحف ابراهيم في الجملة - 01:08:32

وبصحف موسى عليه الصلاة في الجملة لكن تفاصيل الكتب دي فين الله اعلم عندنا الحمد لله ما ايه ما يكفي وغضب النبي عليه الصلاة والسلام لما شاف سيدنا عمر معاہ بعد ايه؟ صحف من التوراة - 01:08:47

ليه؟ الله! انت عنديكم الكفاية. انت عنديكم الكفاية. مهما تقرأ فيه هتزيدك ايه؟ ولا حاجة بتزيدك حدا اطلاقا عندك ايه كفاية؟ فنسأل الله ان ينفعنا بما علمنا وان يعلمنا ما ينفعنا - 01:09:04

اه من الغفلة طبعا كلام سيدنا علي اه هزا من الغفلة اه عملاء متعرسين مع الشركة والله لو الشركة بحسنت وتأكدت فعلا ان هزا العسر بدون تفريط من العملاء يعني مسلا لتقلبات السوق - 01:09:19

مش مسلا عميل انحرف عميل عميل رايج يجيب لي صيادات فخمة ورايج يجيب وقع غرق بالديون انما لو عملت تحريرات فعلا يعني الامر مش على اطلاقه كده يعني مش ايه؟ مش عميل رايف ايده انا متعرس - 01:09:50

احسب من الزكاة لأ يجي حد كانوا مستهترین ده زكا زكا لازم توضع في الموضع السليم لو تأكدت الشركة بتحريراتها ان فعلا سين من الناس لظروف السوق لكزا لكزا - 01:10:10

اه كسرة اولادي حالة مرضية عنده ابترت كل ما له قد كل ماله حالة مرضية عنده لا مانع ان الشركة تسقط اللي عليه وتحسبه من الایه من الزمن ومش الشركة بس الافراد الافراد. لو انا لي دين عند واحد - 01:10:24

فعلا تأكدت انه كده احسبه من الزكاة لا بأس الدين في الصور متوفي. اه من الصورة باخدتها قدوة. لا. فده حرام؟ اه نعم نعم. لا تدخل الملائكة بيت فيه سور ولا تماضيل - 01:10:41

صور ولا تماثيل وبالذات صور الارواح زي ما انت ذكرت كده العم الحال الام الاب بشر بشر اه لا يجوز. بيقول لك يعني انا لا لا القدوة رسول الله قدوة للناس كلها هو رسول الله صلى الله عليه وسلم. لا يجوز تعليق اي صور من زوات الارواح - 01:11:08

صور من زوات الارواح ولا صورته هو شخصيا صورة الفرح بتاعته اه اه انما جبل شجر نهر ايه ولا اصول وحتى لو ذكرته هتذكرة لمين تذكره ليه اصلا من ناحية الترحم لا يجوز - 01:11:28

لا يجوز الرحمة دي للمسلمين لا يدخل الجنة الا مؤمن لا يدخل الجنة الا مؤمن فالمؤمن المقصر واحنا ما نعرفش المقصر من المجتهد فيندعوا للمؤمنين لا طبعا لا فاتحة ولا دعاء ولا اي شيء - 01:11:58

انما يجوز ان يعزى اهله وبس وفي التعزية نقول مسلا البقاء لله وخلاص وعزى اهله اما نترحم عليه الترحم هزا على المؤمنين وال المسلمين فقط حتى المسلمين المنافقين لا يجوز الترحم عليهم بس احنا ما نعرفهمش. الكلام ده كان خاص بالرسول صلى الله عليه وسلم. وقال له رب العزة ولا تصلي على احد منهم - 01:12:17

مات ابدا ولا تقم على قبره. بس الرسول هو اللي عارفه واحنا ما نعرفهمش. فاي مسلم هنحسن الزن به وندعي له وحسابه على الله مسلم بس فازا كان الرسول ربنا نهاد - 01:12:48

عن المنافقين اللي هو عارفهم اللي ما يترحمش عليهم واحنا لو ملكتنا المعرفة هنعمل نفس هنقتدي بالرسول بس احنا ما نملકش المعرفة المعرفة دي ما نملکهاش ودي يعرفها الرسول بس - 01:13:04

فيبيقى الترحم على المسلمين فقط والمسلمة وصلى الله لهم وسلم وبارك على نبينا - 01:13:18